

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 462881 24 St
Tuzla, 15.04.2025.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „INJOBU INTERNATIONAL JOBUNION“ d.o.o Tuzla, ul. 15 maja bb, Tržni centar „Sjenjak“, prizemlje, p.p. br. 115, koji u svom sastavu ima poslovne jedinice pod nazivom: 1. „INJOBU INTERNATIONAL JOBUNION“ d.o.o Tuzla, PJ „Globalnex“ Tuzla, ulica 115 HVO Brigade broj 38, i 2. „INJOBU INTERNATIONAL JOBUNION“ d.o.o Tuzla PJ „Mamedo“ Tuzla, Armije BiH 394, nakon provedenog prethodnog stečajnog postupka donio je dana 15.04.2025.godine slijedeće:

RJEŠENJE

OTVARA SE stečajni postupak nad imovinom dužnika „INJOBU INTERNATIONAL JOBUNION“ d.o.o Tuzla, ul. 15 maja bb, Tržni centar „Sjenjak“, prizemlje, p.p. br. 115, koji u svom sastavu ima poslovne jedinice pod nazivom: 1. „INJOBU INTERNATIONAL JOBUNION“ d.o.o Tuzla, PJ „Globalnex“ Tuzla, ulica 115 HVO Brigade broj 38, i 2. „INJOBU INTERNATIONAL JOBUNION“ d.o.o Tuzla PJ „Mamedo“ Tuzla, Armije BiH 394, MBS: 32-01-0151-20, JIB: 4210423400004, račun broj: 5723960000372142, otvoren kod MF Banke a.d. Banja Luka.

Za stečajnog upravnika imenuje se Maja Musemić iz Tuzle, ul .Maršala Tita br. 60.

ZAKLJUČUJE SE stečajni postupak nad imovinom dužnika „INJOBU INTERNATIONAL JOBUNION“ d.o.o Tuzla, ul. 15 maja bb, Tržni centar „Sjenjak“, prizemlje, p.p. br. 115, koji u svom sastavu ima poslovne jedinice pod nazivom: 1. „INJOBU INTERNATIONAL JOBUNION“ d.o.o Tuzla, PJ „Globalnex“ Tuzla, ulica 115 HVO Brigade broj 38, i 2. „INJOBU INTERNATIONAL JOBUNION“ d.o.o Tuzla PJ „Mamedo“ Tuzla, Armije BiH 394, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 462881 24 St od 14.10.2024.godine, pokrenut je prethodni postupak radi utvrđivanja uslova za otvaranje stečajnog postupka nad imovnom dužnika „INJOBU INTERNATIONAL JOBUNION“ d.o.o Tuzla, ul. 15 maja bb, Tržni centar „Sjenjak“, prizemlje, p.p. br. 115, koji u svom sastavu ima poslovne jedinice pod nazivom: 1. „INJOBU INTERNATIONAL JOBUNION“ d.o.o Tuzla, PJ „Globalnex“ Tuzla, ulica 115 HVO Brigade broj 38, i 2. „INJOBU INTERNATIONAL JOBUNION“ d.o.o Tuzla PJ „Mamedo“ Tuzla, Armije BiH 394, a za privremenog stečajnog upravnika imenovana je Maja Musemić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je Izvještaj o provedenom prethodnom postupku ovom sudu dana 03.12.2025.godine. Iz izvještaja privremenog stečajnog upravnika proizilazi da je društvo osnovano 10.09.2020.godine, te da je imalo registrovane dvije poslovne jedinice PJ Globalnex Tuzla i PJ Mamedo Tuzla. Osnovna djelatnost dužnika bila je posredovanje u zapošljavanju. Društvo više ne posluje, nema nikakve imovine, nema zaposlenika a djelatnost je obavljalo u iznajmljenim prostorijama. Stečajni upravnik je utvrdio da je direktor društva Nermina Krvavac. Račun društva otvoren kod MF Banke kao glavni račun je blokiran. Društvo ima obaveze prema Poreznoj upravi FBiH, KPU Tuzla, obaveze po osnovu pozajmica i druge obaveze, a ukupne obaveze moguće je utvrditi tek nakon podnesenih prijava povjerilaca. Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika „INJOBU INTERNATIONAL JOBUNION“ d.o.o Tuzla, ul. 15 maja bb, Tržni centar „Sjenjak“, prizemlje, p.p. br. 115. Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 28.02.2025.godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 7.500,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 18/25 dana 12.03.2025.godine, oglasnoj tabli suda dana 25.02.2025.godine i na web stranici suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija

Antonela Đaković

POUKA O PRAVNOM LIJEKU: Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.